



Inatsisartuni ilaasortaq
Laura Tàunâjik, Siumut

Anartarfilerineq pillugu § 37 naapertorlugu apeqqut nr. 2016-195-imut akissut

Ulloq: 08-08-2016
Sagsnr. 2016-11548
Dok. Nr. 3222051

Asasara Laura Tàunâjik

25. juli 2016-imi anartarfilerineq pillugu Naalakkersuisunut apeqquteqarputit.

Postboks 1614
3900 Nuuk

Tlf. (+299) 34 50 00

Fax (+299) 34 54 10

Apeqqutitit uannut akisassanngorlugit innersuunneqarput.

E-mail: pann@nanoq.gl

www.naalakkersuisut.gl

1. Naalakkersuisut maannamut qanoq iliuuseqarsimappat, aammalu siunissaq eqqarsaatigalugu qanoq iliuuseqassamaapat anartarfilerineq pillugu malittarisassanik pioreersunik kommunit atuutitsiniarnerat qulakkeerumallugu?

2015-imut eqqagassalerinermi sanaartornermut pilersaarummi allassimasutut, suliniuteqarfinni anartarfilerineq Naalakkersuisunit pingartinneqarpoq. Taamaattumik ukioq manna anartarfilerinermi aaqqiissutissanik nutaanik ineriartortitsinermut misileraanermullu aningaasaliissutissatut 3 mio. koruunit immikkoortinneqarput. Kommunit aggustip naannginnerani tapiissutinik qinnuteqaqqullugit kajumissaarneqarput. Aaqqiissutissanik, avatangiisinut peqqissutsimullu isumannaatsunik nassaarnissaq tamatumani siunertarineqarpoq. Suliniutit taakku ilaatigut suliassaqarfimmi suliniutinik annertusititsinissamik Naalakkersuisut aalajangermata aallartinneqarput, anartarfilerineq ukiuni amerlasuuni naammattumik aallunneqarsimangimmat.

2. Illoqarfinni qassini aammalu nunaqarfinni qassini anartarfilerinermi puussianiittut imaluunniit kuutsittakkani katersat eqqaavinnut iginneqaannartarpat, naak malittarisassatut atuuttut malillugit immamut igitassaasut?

Naalakkersuisut 2014-imi siunnersortinik nalunaarusiortitsipput, Kalaalit Nunaanni eqqagassaqarnermut takussutissanik nalunaarsuiffiusumik killiffinnillu allaaserinniffiusumik. Tassani naatsorsuineq malillugu illoqarfiit minnerit nunaqarfiillu 25 %-iisa missaanni anartarfiit eqqaavissuarnut iginneqartarput. Killiffik taanna allannguuteqangaatsiarsimassanngitsiq Naalakkersuisut isumaqarput.

3. Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersumi § 26-imi aalajangersarneqarpoq, kommunit nunaqarfinni illoqarfinnilu eqqakkat aqqaannik pilersuisimangitsut immamut igitarsarfimmik imaluunniit allatigut igitinissamik akuerisaasumik peqassapput anartarfiit siparnit aammalu imermik errortuivikumik tankineersunik igitiniarneq eqqarsaatigalugu. Igitinissamut

nutaanik sanaartuisoqassatillugu igitsinermut atortorisaq nutaaq Naalakkersuisuniit akuerineqassaaq, § 28 malillugu. Igitsinermut atortorissaarutit atuutereersut akuersissummik piniaqqaarani atuinnaapput. Taamaattoq Naalakkersuisut § 28 imm. 3 aamma 4 malillugu kommune peqqusinnaavaa piffissaq aalajangiussa q minnerpaamik ukiup ataatsip iluani igitsisarnermut atortooreersut akuersitinniassallugit. Naalakkersuisut periarfissamik tamatumingna atuippat, aammalu siunissaq eqqarsaatigalugu Naalakkersuisut qanoq pilersaarpat atuutsinniarnissaa eqqarsaatigalugu?

Naalakkersuisut § 28, imm. 3-4-mik atuisimanerannut assersuutissanik soqanngilaq. Anartarfilerinermit aaqqiissutissanik naleqquttunik angusaqarnissaaq Naalakkersuisut salliutippaat.

4. Suleqatigiissitap pilersinneqareersimasup suliai sumut killippat, Naalakkersuisut pilersitarivaat anartarfilerinermit eqqaasarnermi imaluunniit igitsisarnerup iluani ajornartorsiutaasunut aaqqiissutissanik ujartuinermit? Sunik inerniliisoqarpa, aammalu iluarsartuullugit pilersaarusiata qanoq ittut aallartinneqarsimmappat, suut suli aallartissimangillat, aammalu qaqugukkut naatsorsuutigineqassava iluarsartuullugit pilersaarusiata naammassinissaat?

Pinngortitamut, Avatangiisinut Nukissiuuteqarnermullu Naalakkersuisoqarfiup kommunit qinnuigai, anartarfinnik eqqaasarnermi misiligutitut suliassanut qinnuteqaatinik nassiusseqqullugit. Qinnuteqaatit taakku 2016-imi ukiakut imaluunniit 2017-ip aallartinnerani aaqqiissutaasinnaasunik aallartitsinissaaq misileraanissarlu siunertaralugu suleqatigiissitamut sulialinnullu attuumassutilinnut oqaaseqarfigeqqullugit nassiunneqassapput.

Inussiarnersumik inuulluaqqusillunga

Mala Høy Kúko